



Bosna i Hercegovina  
Federacija Bosne i Hercegovine  
**Kantonarno tužilaštvo  
Zeničko-dobojskog kantona**

Broj: **06-04-8-1-R2-2/24**  
Zenica, 05.06.2024.

Na osnovu člana 70. Zakona o javnim nabavkama („Sl. glasnik BiH“, broj 39/14 i 59/22),  
Glavni tužitelj Kantonalnog tužilaštva/tužiteljstva Zeničko-dobojskog kantona, donosi:

### **ODLUKU o izboru najpovoljnijeg ponuđača**

#### **Član 1.**

Za najpovoljnijeg ponuđača u postupku javne nabavke roba po provedenom postupku javne nabavke broj: 06-04-8-1-R2/24 izabran je ponuđač: **R&S d.o.o. Igmanska b.b. Vogošća, Sarajevo** sa ukupnom cijenom bez PDV-a **14.985,69 KM**, broj ponude 11521/24.

#### **Član 2.**

Prijedlog ugovora o nabavci roba dostavit će se na potpis izabranom ponuđaču: **R&S d.o.o. Igmanska b.b. Vogošća, Sarajevo**

#### **Član 3.**

Za izvršenje ove odluke zadužuje se Odsjek za finansijsko materijalne poslove.

#### **Član 4.**

Ova odluka stupa na snagu danom donošenja.

#### **Član 5.**

Ova odluka objavit će se na web-stranici [www.kt-zenica.pravosudje.ba](http://www.kt-zenica.pravosudje.ba), istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i člana 71. stav 2. Zakona o Javnim nabavkama BiH.

### **O b r a z l o ž e n j e**

Na osnovu Odluke Glavnog tužitelja Kantonalnog tužilaštva Zeničko-dobojskog kantona broj 6/04-11-8-2-R2/24 od 22.03.2024. godine pokrenut je postupak javne nabavke robe - kancelarijskih potrepština putem konkurentskog zahtjeva i portala javne nabavke.

Procijenjena vrijednost javne nabavke, bez PDV-a, iznosila je **15.000,00 KM**.

AKT prijemio:  
AKT pregledao:

Obavještenje o nabavci broj: 5486-7-1-5-3-4/24 objavljeno je na Portalu javnih nabavki dana 25.03.2024. u 14:36 sati.

Ugovorni organ je dana 13.05.2024. godine donio Odluku o poništenju postupka. Na navedenu odluku ugovornog organa dana 16.05.2024. godine uložena je žalba ponuđača „R&S“ d.o.o. Igmanska b.b., Vogošća (dostavljena elektronskim putem a potom i na adresu ugovornog organa dana 17.05.2024. godine) u kojoj se navodi da je ugovorni organ nezakonito ocijenio i odbacio njihovu ponudu kao neprihvatljivu.

Ugovorni organ je, u skladu sa odredbom Člana 100. stav 3. Zakona o javnim nabavkama BiH, utvrdio da je žalba ponuđača „R&S“ d.o.o. Igmanska b.b., Vogošća izjavljena protiv Odluke o poništenju postupka javne nabavke broj 06-04-8-1-R2/24 od 13.05.2024. godine blagovremena, dopuštena i izjavljena od ovlaštenog lica a nakon razmatranja žalbe utvrdio da je ista osnovana.

Kako je žalba ponuđača „R&S“ d.o.o. Igmanska b.b., Vogošća ocijenjena osnovanom i Odluka o poništenju javne nabavke ugovornog organa stavljena van snage, to je dana 20.05.2024. ugovorni organ donio Rješenje o poništenju Odluke o poništenju postupka javne nabavke.

Ugovorni organ nakon ponovne ocjene prispjelih ponuda, primjenom kriterij najniže cijene, ponudu ponuđača „R&S“ d.o.o. od 14.985,69 KM bez PDV-a, kao jedinu prihvatljivu ponudu koju je primio ovaj ugovorni organ, nasuprot ponude ponuđača „AERO EXCLUSIVE“ d.o.o. Kolodvorska 12, Sarajevo od 19.892,00 KM bez PDV-a, koja je znatno veća od osiguranih sredstava predviđenih za predmetnu nabavku i cijenjena neprihvatljivom, odabrao kao najpovoljniju.

Nadalje, odredbom člana 89. stav 3. Zakona o javnim nabavkama BiH propisano je da kada ugovorni organ, u postupku konkurentskog zahtjeva, primi jednu prihvatljivu ponudu, dodjeljuje ugovor tom ponuđaču, i to najkasnije u roku od deset dana računajući od dana prijema odluke ugovornog organa o izboru najpovoljnijeg ponuđača.

Odredbom člana 4. Pravilnika o uslovima i načinu korištenja e-aukcije propisano je da u slučaju prijema jedne prihvatljive ponude e-aukcija se ne zakazuje, to ovaj ugovorni organ nije ni zakazivao e-aukciju.

Shodno svemu naprijed navedenom odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba KRŽ-u putem ugovornog organa, najkasnije u roku od 5 (pet) dana od dana prijema odluke.



Dostavljeno:

1x Učesnici u postupku javne nabavke

1x a/a

**Akt pripremio:**

**Akt pregledao:**